



01. juli 2016

Inatsisartuni suleriaasianni § 37 naapertorlugu Naalakkersuisunut imaattumik apeqquteqarpunga.

### Apeqqut.

- 1. Naalakkersuisut naatsumik nassuiaateqarsinnaappat Danmark-imi Skatteministeriep piunasaqaataasumik aningaasanoornermi korteqartitsilernissamik eqqarsaasersuutigineqartut pillugit, tassuunakkut pinngitsoortinniarlugit Danske Spil aqqutigalugu pinerlunnikkut aningaasarsianik malunnarunnaarsaneq?**
- 2. Taamatut naalagaaffimmi oqartussat piunasaqaataasumik aningaasanoornermi korteqartitsinissaq atuutilersissappassuk: Taava qanoq sukkatigisumik inatsisisitigut sinaakkutissat Kalaallit Nunaanni atuutilersinneqarsinnaappat?**
- 3. Piunasaqaataasumik aningaasanoornermi korteqalersitsinissaq naalagaaffiup oqartussanik atuutilersinneqassagatinngippat: Taava Kalaallit Nunaanni Namminersorlutik Oqartussat namminneq piunasaqaataasumik aningaasanoornermi korteqalersitsinissaq, Kalaallit Nunaanniinnaq atuussinnaasumik - taamaattoqassappallu qanoq tamanna namminersorluni inuutissarsiutilinnut aamma Namminersorlutik Oqartussanut aningaasaqarnikkut allaffissornikkut kinguneqassagatinneqarpa?**

(Inatsisartuni ilaasortat Steen Lyngé, aamma Siverth K. Heilmann, Atassut)

### Tunnqavilersuut:

Ukiup ataatsip matuma siorna Inatsisartunut ilaasortaq Naalakkersuisunut apeqquteqarsimavoq ikiaroorartumik hashimik tuniniaanermi pinerlulluni isertitanik Danske Spil aqqutigalugu malunnarunnaarsaneq pillugu (§ 37-apeqqut nr. 161/2015).

Ilaatigut apeqquteqartup kissaatigisimavaa paasissallugu Naalakkersuisut naalagaaffiup oqartussaqaarfiisa pinerlunnikkut aningaasarsianik Danske Spil aqqutigalugu malunnarunnaarsaasernerup piunasaqaataasumik siunertaralugu eqqarsaasersuutaanik malinnaatinneqarnissaat aammalu naalagaaffiup oqartussaqaarfiinik ilaatigut oqaloqatigiinnerit ingerlanneqarnissaat, tassuunakkut qulakkeerniarlugu, suliniutit aamma Kalaallit Nunaanni aningaasnik pinerlunnikkut aningaasarsianik malunnarunnaarsaasernerup ajornartorsiutaasinnaaneranut sunniuteqarsinnaanissaat eqqarsaatigalugu.

Apeqquutinut tunngavilersuutit tassaasimapput, danskit tusagassiuuteqarfiini 2015-ip aallartilaarnerani saqqummersinneqarmata, qanoq pinerluttartut naalagaaffimmit pigineqartup Danske Spil-ip pinerlunnikkut aningaasarsiat malunnarunnaarsarneqartarnerinut atorineqartarnera.

Danmark-imi aannajaarniutilerinermut tunngasuni uppersaatsissanik ujaasinerni akutsunngitsumik politiit nassaartarsimapput Danske Spil-imiit aningaasanoornermi uppersaaterpassuit.

Danmark-imi aningaasanoortarfinni kioskini 10.000 kr. tikillugit ullormut aningaasanoorsinnaavutit kinaassutsimik uppersaannikkaluarluni. Pinerluttartut - soorlu hashimik tuniniaasartut - pinerlunnikkut aningaasarsiaminnik malunnarunnaarsarusuttut, aningaasanik pinerlunnermikkut aningaasarsiatit akiliutigalugit aningaasanoorsinnaasarput. Eqqukkat eqquineramik uppersaammik malitseqartarput, taamaasillutillu akuerisaasumik isertitaqarsimanermit uppersaatsissaqalertarlutik. Taamaasilluni aningaasat pinerlunnikkut isertitat malunnarunnaarsinneqartarput. Tamanna pisinnaavoq annertunngitsumik annaasaqarnikkut, Dansk Spil-immi aningaasanoorutaasai ilai qaffasissumik aningaasanoortinik utertoofiusarmata. Isikkanik arsarnermi arsarnerup inernerisinaasai pingasut tamaasa toqqaraanni Danske Spil-ip aningaasanoornissamik periarfissaatitaasa ilaanni, taava aningaasanoortup ilimagisinnaavaa aningaasanoortutip 90 %-iata eqqukkatut tigoqqinnissai.

Naalakkersuisut § 37 aqqutigalugu apeqqummut akissuteqarnerminni, Naalakkersuisut uppersarparaat, taamatut periaaseqarneq aamma Kalaallit Nunaanni atugaasarnera. Akileraartarnermit Aqutsisoqarfimmi 2014-mi arsaarinnissutaasimapput oddsernermi uppersaatsit Danske Spil-imeersut 36.000 kr. missaani nalillit.

Norge-mi Naalagaaffiup pigisaanni aningaasanoortarfinni Norsk Tipping aningaasanoornermi kortimik pilersitsisimapput, aningaasanoortut kinaassutsimik uppersaatsit atugassaannik, aningaasanoornermi uppersaammik tunniussinermit atorineqartussa. Danmarkimi tusagassiuuteqarfiit saqqummersimmassuk pinerlunnikkut aningaasarsiat malunnarunnaartinneqartarneranut ajornartorsiutit, taava partiit arlallit assigusumik periaatsimik atuutitsilernissaq eqqarsaasersuutigilersimavaat. Danmarkimi partiip ataatsip arlallilluunniit aamma eqqarsaasersuutigivaat, kinaassutsimik uppersaqaqqanngikkaluarluni ullormut aningaasanoortarnerup 5.000 kr.-nut appartinneqarnissaa. Periarfissat allat ilaatigut oqallinnermi saqqummersinneqarsimasut tassaavoq, pinnannermit pinnataassat procentiisa appartinneqarnissaat imaluunniit pinnassimanermit uppersaatsit atorunnaarsinneqarnissaat.

Naalakkersuisut § 37 aqputigalugu apeqqummut akissuteqarnerminni Naalakkersuisut neriorsuutigivaat, danskit naalakkersuisuisa eqarsaasersuutaanut nunatsinni Naalakkersuisut malinnaassallutik aammalu noqqaassutigissallugu Kalaallit Nunaannut inatsisitigut attuumassuteqarsinnaasunik pilersitsisoqassappat Kalaallit Nunaanni atuutilersinneqarsinnaanissaat.

Maannakkut ukiup ataatsip missaa § 37-itut apeqputip apeqputigineqarneraniit aammalu akissuteqarfigineqarneraniit, ukiullu 1,5 qaangiupput Danmark-imi Skatteministeriep tusagassiutinut ilisimatitsissutigimmassut, ministerieqarfip piumasaqaataasumik aningaasanoornermi uppersaatip eqqunneqarsinnaaneranut periarfissap misissoqqissaarneqarnissaa.

Taamaattumik kissaatigaara paasissallugu suliami killiffik sumiinnersoq: Danskit eqarsaasersuutai sumut killissimappat, naatsorsuutigineqarsinnaava inatsisitigut atuutilersitassat aamma Kalaallit Nunaanni atuutilersinneqarnissaa. Aamma tamanna periarfissaasinnaangippat: Periarfissaqarpugut namminneq aningaasanoornermut kortimik aqqissuussilluni atuutilersitsisinnaaneq, Kalaallit Nunaaniinnaq atuutsinneqartumik?

Neriutigalugulu ullut qulit suliffisusut iluanni akissuteqarfigineqarumaarlunga.